

Rue des longues haies à Roubaix,  
**Souvenirs, Souvenirs**

30 ans ont passé ! Personne n'a oublié  
Ses amis, ses voisins de la rue d'longues-haies  
Et si on se retrouve aussi nombreux ce soir  
C'est qu'nos souvenirs sont toujours dans nos mémoires.

Pas d'villa, pas d'jardin, l'égalité qui règne  
Nous étions tous logés...à la même enseigne  
Pas d'chasse d'eau, pas d'télé, pas d'baignoire, pas d'auto  
Un pot d'nuit, la radio, les bains-douches, un vélo

A défaut d'confort, c'était notre quartier  
A défaut d'coffre-fort, c'était notre amitié,  
Qu'importe le flacon, pourvu qu'on ait l'ivresse  
Qu'importe la maison, c'est dedans les richesses.

Permettez, en deux mots, que j'raconte mon histoire  
J'habitais au « 14 bis » d'la rue Beaufort  
Pour qu'ça fasse plus nature et comme in cinquante tros  
A partir d'acheteur : j'vais parler in patos

Tertous y va comprinte, cha s'rot vraiment dommache  
Quand in est du quarti, in a un biau parlache  
J'sus né pindant la guerre, j'ai nin grandi grammint  
Min père y est p'tête dins l'cop, mais m'mère surmint.

A chinq ans, in tiro mes zamygdales à l'cro ruche  
Au dispensaire, vous vous souvenez, just'in face des bains-douches  
L'samedi soir, sur deux chaises, d'vant l'fut, dins l'cuisine,  
Maman elle nous lavot, et tout nu, dans l'bassine.

A dix ans, in jouot aux maps ou au football  
Au bout deul rue Bernard ou dins la rue centrale  
Et tachand qu'in étot sale, plutôt que d'printe eine doule  
Ch'étot chez l'abbé Dalle qu'in tirot la bedoule !

Y nous pretot ses brouches et tchand qu'y faisot fro  
Ch'étot dins sin local qu'in rintrot faire un pot  
In marchant dins s'grande piche, y lijot sin missel  
« un peu de calme » qu'y disot, 'fermez vos babelles » !

Dins not'quarti, tout l'monde y étot pas catholique  
Ch'est eine reputation que pourtant in s'explique  
Y a d'zouvris qui ont des autes opinions  
In peut ette baptisés sans faire s'communion

Mais l'abbé y s'en fout car pour li che qui compte  
C'est d'avoir puque d'justice dins c'monte  
Et chaque fos qu'une naissance arrivot dins not'cour  
Ch'étot l'premier vigin qui v'not nous dire bonjour.

Pour aller vir à Lille si j'avos min brevet  
Fallot nous voir a moto avaler les pavés  
Et tchand qu'y nous emm'no à l'foret d'Phalempin  
Ch'étot pus not t'churé mais putot not'copain.

J'vais nin tout raconter les histoires qui m'arvenn'tent  
In d'aurot che sur au moins pou tros s'maines  
Mais comme tertout y souhaite s'arvir acore eine fos  
J'vous arfrai quelques linnes pour dire tout c'qu'in faisot

Y z'ont tout demoli, les maisons, les usines,  
In nous donnant du proppe, in coupot nos racines  
Partis tous les pavés, rasées toutes nos courées  
Tertout y a du paretir, tertout y étot muré

Chacun y s'in ira, chacun y ara sin tout  
A Roubaix ou bin à Hem, au Pile ou au Cul de four  
Mais y a reste quetcosse qu'personne peut contester  
Ch'est l'fierté qu'in a d'avoir pu y rester.

J'avos, l'année passée, promis d'ardire un mot  
Si in 89, in arfaijot eine seco  
Et comme in avit eu, insonne, grammint d'plaigi  
Avec eine saucisse aussi bonne, in a arcomminchi

Nous v'la donc ichi, dins la salle Wattremez  
Et du qu'in v'not danser pour les bals polonais  
Cha r'monte eine paire d'années in arrire  
Tout c'qui fait pour busier a ses souv'nirs.

D'notte quarti fantôme, eusti qu'y z'ont rasé  
Pour des raisons, ch'est sur, d'insalubrité  
Ch'est vrai qu'pour certains, eul vie n'étot pas reluisante  
N'avot qu'dins les ruchots qu'in trovot l'eau courante.

Bins sur qu'in d'vot sortir pour trouver l'robinet  
Ch'est au mitan de l'cour qu'y avot les cabinets  
Pour faire cha à l'brenne, ch'étot toute eine technique  
Y fallot ette un seau pour trouver cha hygienique.

Mi j'parieros eine caisse d'saures contre un rollmops  
Te restes dins eine cour mais tes afants sont propes  
Fallot nous vir sortir, belle maronne ou rope blanche  
Faire eul tour des matantes pour avoir sin dimanche

Comme toute m'famille, elle restot dins l'quarti  
In a vot assez d'sous pour aller au Roxy  
Pou l'ducasse in courot au boul'vard Gambetta  
Ou in ach'tot des bonbons dins la rue Magenta.

In deux mots j'vas parler d'ceux qui dins l'quarti  
S'étottent des fidjures qu'in a bin argretti  
L'boucher ch'étot cucu quand t'allos a s'mason  
T'arssortos toudis avec un rond d'saucisson

Nin long du paveux, y vot l'marchand d'quevo  
Eu j'm'in rappelle : quotche qu'y buvot !  
Par conte dins m'rue Beaurewart eu j'me souvins d'martin  
Ch'est d'alcool a brûler qu'y chifflot du matin.

Eul droguiste d'saint Luc y donnot des buvards  
Les commerçants d'l'époque z'étottent moins avarés  
Et tchand qu'au mois d'octobre y avot les allumoirs  
T'allos chez Céline, Camans ou Balthazar.

D'ailleurs en 54, in étot grammint d'monte  
Chez Marcel eul coiffeur pour vir la coupe du monte  
In étot à 25, in étot tous des sportifs  
Y n'd'avot qu'tros ou quate à s'faire couper les tifs.

Pour eul lait, pour ceux qui in buvottent  
Ch'est Georgette et Edmond qui nous servottent  
Et tchand qu'sus leu comptoir y avot vraiment plus d'plache  
Y s'arrangeottent pour trouver delplace !

Pus tard in a eu l'z'événement d'algérie  
Ch'étoit le douar Anseele et l'casbah réunis  
Y n'd'avot un tous les jours qui s'faisot allonger  
Intre la rue d'Lanno et l'rue Pierre de Roubaix.

FLN, MNA, cha tcheot comme des mouques  
T'avos vu eine secot, et bin te serros t'bouque  
Tcheue bouch'rie qu'y avot eu dans la rue des Fossés  
Eul police elle d'avot déjà puque qu'assez.

Quo qui nous a reste d'avoir vécu tout cha ?  
Ch'est qu'acheteur in peut dire qu'in est tous des pachas  
Avec eine salle eud'bains et l'eau froite et l'eau caute  
Eine machine à laver et puis un biau chiotte.

Dins la rue d'longues haies in a vécu insonne  
Des bons momints ch'est vrai et des années moins bonnes  
Mais c'qui est vramint dommache, j'l'pinse vraiment,  
C'est d'avoir du s'quitter aussi brutal'mint.

Y m'reste churemenint acore grammint d'cosses à vous dire  
Je n'voudros in conclure sans espérer vous arvire  
L'année prochaine, j'pinse, faudra nin l'oublier,  
Pourvu qu'in s'artrouffe tous : Vive les Longues-Haies !

De Robert Decock (alias Grand Poulet !), repris par son ami André Fostier.